



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Expositio Cavsarvm Quibus S. R. M. Sveciae bellum à
Rege Regnoque Daniae sibi illatum, etiam post Pacem
Roschildiae initam, continuare coacta fuit**

Coyet, Peter Julius

[S.l.], 1658

Lit. FF. S. R. M. Senatorumque Regnis Daniae literiae, quibus Scania se
abdicant.

urn:nbn:de:hbz:466:1-10534

pacis fecisse dignoscimur, per hoc tamen juribus & consuetudinibus in Regno Sueciæ & Scaniæ ab antiquo tempore de regiâ electione observatis, in nullo penitus volumus derogari, quin ad nos & Successores nostros Regum electio cum juribus suis omnibus, post mortem dicti Domini nostri Regis Erici, vel alterius Domini nostri Domini Magni filii, quem ipso Domino nostro Erico Rege prædicto, sine liberis (quod absit) mortuo, in Regem (ut præfertur) eligemus, libere revertatur. Ut autem præmissa omnia, & eorum quodlibet majoris habeant roboris firmitatem, Sigilla nostra præsentibus duximus apponenda. Datum Warbergis, Anno Domini M CCC XLIII. in octava beati Martini Episcopi,

Lit. FF.

S. R. M. Senatorumque Regni Daniæ litteræ, quibus Scania se abdicant.

NOS Fridericus Tertius, Dei Gratia, Daniæ, Norvvegiæ, Wandalarum, Gothorumque Rex, Dux Slesvici, Holsatiæ, Stormariæ, & Dithmarsici, Comes in Oldenburg & Delmenhorst. Notum testatumque facimus; Postquam Serenissimus ac Potentissimus Princeps ac Dominus, Dominus Carolus Gustavus, Suecorum, Gothorum, Wandalarumque Rex, Magnus Princeps Finlandiæ, Dux Esthoniæ, Careliæ, Bremæ, Verdæ, Sterini, Pomeraniæ, Cassubiæ, Wandaliæq; Princeps Rügen, Dominus Ingræ & Wismaræ; nec non Comes Palatinus Rheni, Baviaræ, Juliaci, Cliviæ, ac Montium Dux, Frater, Consanguineus ac Vicinus Noster, proxime superiori bello inter Nos, Daniæq; ac Norvegiæ Regna, ab una, & inter S. Dilect. & Regnum Suec. ab altera parte, vi armorum varias provincias & regiones occupaverit, ut & diversa Munimenta, Urbes, ac Propugnacula Jutiæ, Holsatiæ, aliarumque nostrarum Ditionum in suam potestatem redegerit; Nunc verò via Tractatûs mediante Serenissimi & Potentissimi Principis & Domini, Domini Ludovici XIV. Christianissimi Galliarum Regis, Fratris, Consanguinei, Amici ac Fœderati nostri, ut & Serenissimi Domini Protectoris, Angliæ, Scotiæ, & Hiberniæ, Nostri itidem Amici ac Fœderati, interpositione, per Eorum respectivè Extraordinarios Legatos & Extraordinarios Alegatos Illustres & Generosissimos Hugonem de Terlon, Equitem S. Johan. Hierosolym. & Philippum Medovium, de omnibus erroribus & controversiis, quæ incluta hæc Regna Septentrionalia invicem hæcenus exercuerunt, omnimodo transactum ac conventum fuerit, Suaque Dilectio ex vicinali benevolentia & affectu, quo erga pacem & concordiam fertur, inter cætera placitaverit

M 2

& pro-

& promiserit, pro se, suis successoribus ac Regno Sueciæ, quod cedere velit
 omni jure ac jurisdictione, quam S. Dilect. jure belli in omnes vel aliquas
 dictarum occupatarum Provinciarum, Urbium, Propugnaculorum,
 Arcium, Munitionum & terrarum obtinere possit, & vicissim Nobis ac
 Regno Daniæ tradiderit & restituerit, in simulque pro se, Successoribus suis
 ac Regno Sueciæ pollicita fuerit, nunquam in posterum in quamlibet Ea-
 rundem terrarum ac locorum superioritatem, jus, seu dominium aliquod,
 quocunque tandem modo id fieri possit, habere & prætere velle, quem-
 admodum Instrumentum Pactis propterea confectum pluribus illud ipsum
 exprimit, Nos vicissim adhibito totius Regni Daniæ Senatus plenario con-
 silio & suffragio, in amicam satisfactionem & compensationem Sux Dilect.
 Eiusdem Successoribus, Regibus ac Regno Sueciæ cessimus & abdicamus.
 pro Nobis, & successoris Nobis Regibus, Regnisque Daniæ & Norwegiæ,
 Provinciam Scaniam, cum omnibus addictam Provinciam pertinentibus
 Urbibus & civitatibus, Arcibus, Munimentis, Insulis, Scopulis, superiorita-
 tibus, regalibus, jurisdictionibus, Ecclesiasticis & secularibus, decimis,
 censibus, vectigalibus, redditibus, usuris ac juribus, tam terra, quam mari-
 que madmodum Daniæ ac Norwegiæ Reges ea omnia possederunt, illis-
 que usi sunt, ut sequatur in posterum Dilection. Suam, Eiusdem Successo-
 res ac Regnum Sueciæ, in perpetuam & extra omnem controversiam posi-
 tam proprietatem, unà cum omnibus subjacentibus Urbibus, Arcibus ac
 Propugnaculis, ut & Ecclesiasticis & secularibus bonis, Præfectus & ap-
 pertinentiis, quæ vel nunc jure eò pertinent, vel ante hac eò pertinuerunt,
 terra & mari, Regnoque Sueciæ in perpetuam possessionem ac proprieta-
 tem inferatur. Et recognoscimus Nos, & confitemur, pro Nobis & successu-
 ris Regibus Daniæ & Norwegiæ, quod nullum in posterum jus ac juris-
 dictionem in prædictam Scaniam, vel aliquas eò pertinentes Arces, Pro-
 pugnacula, pagos, Civitates, Insulas, scopulos, vel quascunque alias legiti-
 mas pertinentias, sine omni exceptione, ullo modo habere velimus: Pro-
 nunciantes, & reddentes vigore hujus, prædictæ provinciæ, Præfecturarum,
 & Civitatum incolas, Ecclesiasticos & seculares, Nobiles & Ignobiles Sa-
 cerdotes, Cives & ruricolas, liberos & solutos ab omni amoris, fidelitatis,
 obedientiæ & servitii Homagio ac juramento, quo Nobis ac Regnis Daniæ
 Norwegiæque hætenus obstricti fuerunt, illosque omnes & singulos Sux
 Dilectioni Carolo Gustavo Regi Sueciæ, Ejus successoribus & Regnis
 Sueciæ, vi harum literarum appropriantes & assignantes. In majorem
 hujus rei efficaciam, firmiterque confirmationem, isthæc taliter in
 omnibus suis punctis ac clausulis inviolabiliter à Nobis, successoris No-
 bis Regibus Daniæ & Norvvegiæ servatum & præstitum iri, præsentem
 manus nostræ subscriptione & sigilli regii appensione confirmavimus, ut
 & Di.

& Dilectissimi Nostri Regni Senatus subscriptionibus & sigillorum impressionibus roborari fecimus. Dabantur in Arce nostra Haffniensi die 24. Febr. Anno 1658.

Fridericus III.

Sub Sigillo Nostro

Jochim Gerstorff. Offve Gedde. Christoffer Urne.
Oluff Pasbiereg. Jürgen Seefeldt, Christophersoën.
Friderich Reertz. Mogens Höeg. Henrich Rantzovv.
Christen Skiel. OtteKrag. AxelVVrop. Peter Reertz.

Lit. GG.

Diploma Regis Christiani IV. quo Wenenses judicio provinciali Scaniae subicit.

NOs Christianus Quartus, Dei gratia, Daniae, Norwegiae, Wandalorum, Gothorumque Rex, &c. Notum hisce facimus; Postquam ad nos delatam fuit, quanta molestia & incommodo incolae nostri Wenenses afficiantur, eò quod ad forum provinciale Sialandicum obeundum viginti sex milliarium iter ultrò citròq; conficere necesse habeant, cum tamen forum provinciale Scaniae ultrò citroq; vix septem milliariibus inde distet: Ideo permisimus & concessimus, quemadmodum etiam vigore patentium harum nostrarum literarum permittimus ac concedimus, ut Incolis praedictae Insulae Wenae in omnibus causis atque litibus, quae vel nunc in foro seu judicio primae instantiae istius Insulae, quod Bircicum appellatur, pendent & aguntur, vel in posterum ibidem exorientur, judicium provinciale Scaniae obire & coram eo se sistere integrum liberumque sit, donec circa istud aliud quid à nobis constituatur. Clementer itaque volumus, ut Judices nostri Provinciales ibidem locorum ad normam hujus nostrae Constitutionis in posterum se componant, & praedictas lites dirimendas suscipiant, de iis decernant & sententiam ferant. Praecipientes omnibus & singulis, ne saepe nominatis incolis Wenensibus contra ea quae praescripta sunt, praedictum aliquod seu remoram injiciant. Cui rei se quilibet certissime & sine omissione conformabit. Dabantur in Arce nostra Haffniensi, die 24. Maji, Anno 1634.

Christian.

Sub Sigillo Nostro.

M 3

Lit. HH.